

**Kandidatus pa Komité Konsultivu di Dudley Greenhouse
(Dudley Greenhouse Advisory Committee)**

Agostu 2018



Wendy Bivens

Ola tudu argen! Nha nomi e Wendy Bivens i N ta mora na Roxbury. N foi un kultivadora na Winthrop Street Garden pa 8 anu, i N ta apresia konhesimentu, sabedoria i apoiu di Comunidade di Dudley Greenhouse. N ta apresia es spasu komunitáriu i N sta djobe un oportunitadi di serbi komu membru di junta. N sta konprometidu na fortifika fundamentu di es organizason, profunda involvimentu di Komunitadi i splora maneras di bira nos rekursus mas largu.



Michelle Cook

N ta sinti onradu di faze parti di Konedju di Komité di Dudley Greenhouse. Ser konsideradu pa faze parti di Junta di Konedju e un grandi oportunitadi. Ser parti di Konedju di Komité di Dudley Greenhouse ta ba piritim trabadja ku otus membrus di komunitadi ki sta involvidu na Greenhouse, inda ta ba piritim komunika midjor ku rezidentis ki ta uza stufa (greenhouse) djuntu ku kes ki pode sta interesadu.

N gosta txeu trabadja na jardin i korre bisikleta, i tanbe N ta difende bon nutrison i saudu. Ser kapas di uza nhas abilidadis, suma prende ku otus pesoas i un kuza ki mi N ten stadu ta tenta faze. Komu rezidenti duranti txeu tenpu na Roxbury, gosin N sta moradu na Dorchester, N ta kardita txeu na investi na Komunitadi na undi nu ta mora. Ba konsigi faze ke la komu membru di Komité Konsehu di Dudley Greenhouse ta ba ser idial i N sta ansiozu pa faze ke la.



Lee Farrow




Lee G. Farrow, é un rezidenti di Roxbury, i un membru di konselhu i jardineiru ativu na Edward Cooper Community Garden. Lee e diretor di Center for Nonprofit Management i el ta trabadja part-time Stonehill College. El ta xina dezenvolvimentu di lideransa di angariason di fundus, organizason komunitária i movimentus sosiais, i, papel de organizasons non-lukrativus na Mérka. Tanbé el ta xina na Carsey School na UNH Durham. Lee e un dus ko-fundadoris orijinais di Harlem Children's Zone na NYC i un amigu di bedju, i defensor di trabadju di DSNI. Lee inklui trabadju di DSNI komu "midjor prátikas" na dizenvolvimentu di Komunitadi na se klasis.



Lanise Frazier-Colon

Nha nomi e Lanise Frazier-Colon, mi e un organizadora di Komunitadi, N ta kura, N ta kultiva i mi e un artista ki ta vive na ária di Uphams Corner. N ta kardita ma terra e di povu, N ta kardita ma povu ten direitu di sunha i iziji sobri manera ki terra debe sirbinu i modi ki nu debe sibi'l.

N foi un fasilitador di Dudley Greenhouse duranti anu pasadu, na undi N introduzi novus maneras di sigurar ki kada un ser responsável di kunpanheru, na konpartilha valoris, i trata konfliktus baziadu na kura spiritual. N ta spera kontinua ta serbi Dudley Greenhouse na prósimu anu, pam pode kontinua ta konstrui un

	<p>Komunidade, faze espasu pa kada un sobrisaí, i mas inportanti pa inkontra novus maneras di ten poder di terra i alimentu i traze komunidade djuntu.</p>
	<p>Fulani Haynes</p> <p>Maioria di pesoas ta mudaba pa Flórida o Bahamas na undi ki es pode puxa un kadera ki balansa, dipos ki es dja raforma di un profison di 30 anu komu un enfermera rejistradu, má ka Fulani Haynes. El kria ku susesu txeu programas kulturais i artístikus baziadu na komunidade ki kontinua ta kontribui pozitivamenti na Roxbury i Dorchester, vizinhansa di di Boston.</p> <p>Trabadju di Sra. Fulani ta varia di prugramas di apoiu pa Komunidade, inprendimentus muzikais, palestras na públikus, prizentasons di tiatrus, saúdi pública i ensinu di apoiu sobri nutrison, jardins orgânika i kuzinha, pa organiza iventus na ar livri, prugramas di rádiu i jantar komunitáriu.</p> <p>Fulani gosta di trabadja na orta/jardin i é un produtor/membri di stufa - Dudley Greenhouse.</p>
	<p>Curdina Hill</p> <p>Nha nomi é Curdina Hill, N ta mora na Boston dja ten mas di 30 anu. N ten trabadju aktivamenti desdi ki N entra na Winthrop Community Gardens na Winthrop Street na Roxbury, dja ten dos anu. Durante es tenpu N resebe asistênsia i apoiu di Vernelle Jordan, ki e membru di GAC di Dudley. El ten sidu un pesoa maravilhoza ku txeu rekursu i un idukador na trabadju di jardin. Komu un jardineru novu N kre sirbi nes komitê pa traze un vos di gentis di es komunidade suma mi na spadja konhesimentu sobri kultiva i kume komida notritivu. Inda pa sta sertu ki regulamentus i rikursus kontinua involve i iduka pesoas di komunidade sobri manera di produzi komidas saudável.</p>
	<p>Dorothy Johnson</p> <p>N sta umildimenti subimete nha nomi pam pode bira un membru di GAC. N ta mora nes mumentu na aria di Uphams Corner i dja ten mas di kuartu anu ki N ta faze parti di Greenhouse. Durante es tenpu, N ten stadu ta faze nha parti ta djuda mante es prediu na (linpeza, rega, etc), djuda nu prujetu anual di ranja dinheru, na "jazz dibaxu di vidru", konpartilha nha kulheita ku vizinhos i amigus i konpartilha informason sobri greenhouse ku otus pesoas.</p> <p>Nes mumentu N ta sinti un nesesidade di ser un partisipanti mas ativu na obijetivu i na futuru di Greenhouse. Ser membru di Kometé ta ba pirmitim faze izatamenti kela.</p>
<p><i>Ka ten ninhun fotu</i></p>	<p>Fannie Johnson</p> <p>N nese, N kriadu i N foi idukadu na South End. N ta faze parti di junta diretiva di un Prujetu di voluntáriu di adivogadus i N ten txeu interesi na South End i Lower Roxbury. N ta atxa ma faze kriason di komidas na sidadi e inportanti na sintidu di dixa gentis sabe ma di rekursus di komunidade, mante gentis saudável, pa es tuma disizon saudavel sobri ses vida. I komu membru di junta di LVP, N ta sinti konfortavel di ser parti di junta, na faze studu sobri kalkel asuntu i tuma disizon djuntu i tanbe da nha opinion pesoal.</p>



Vernell Jordan

Komu un menbru ativu di Komité di Dudley Greenhouse i produtor di estufa, N sta fortimenti konprometidu ku tralabhu ki sta ba djuda DGH bira un komunidadadi ki ta torna es lugar un spasu ki e fundadu na prinsípius ki ta papia diferença ki ten i promove inopoderamentu di Komunidadadi.

N ten stadu fundamenti involvidu na apoiu, i inisia maneiras pa menbrus di komunidadadi ser inklúidu na trabadju di DGH, atividadis i tomada di desizon ki ta djuda ilimina alguns di kes barreras pa ses partisipason i N ta gostaba di ser parti di un ikipa di serius ativistas konsilherus.

Trabadju di komité di NP/Co-op: Dorchester Food Coop, DSNI, CEW, UFI, Artist Organizations, otus

Ka ten ninhun fotu

Sadiki Kambon

Es komunikason e pa sirbi komu konfirmason di nha interesi na ser un kandidatu pa sirbi na Komité Konsultivu di Dudley Greenhouse. Agrikultura urbana e un konponenti krusial pa nos komunidadadi avansa i N ta gostaba di faze parti d'es inpurtanti vós.

Sadiki Kambon, diretor
Black Community Information Center Inc.
Fasilitador, di Nubian Square Coalition



Chavella Lee

Greenhouse (stufa) e un rikursu surprendenti pa nos komunidadadi. El pode ser uzadu pa kultura i ribustese nos komunidadadi, i tanbe nós korpu. É inpurtanti ki nu promove ligason interjerason li, i N ta gostaba di tuma parti na es trabadju di fasilita kes relasons. Mi era Especialista na Dizenvolvimentu di Jovens na Food Project i gosin mi e kordenadora di Jovens na Mattapan Food and Fitness Coalition. N ta gosta di interra nas nhas konhesimentus di bedju i inopdera jovens ki sta na djuntu ku mi.



Vanessa Martinez

Maior konquista di un mudjer e planta kel simenti. Bira mai, foi nha maior esperiensa di nha vida. N sta iternamenti gratu i tanbe gratu pa es spasu ki nu pode konpartilha, trabadja djuntu i alimenta nós komunidadadi. Kuza ki nu ta po na nós korpu e inpurtanti pa nós kresimentu i saúdi. N sta sertu ma nha filha ta gosta di un dia trabadja djuntu ku mi na jardin pa nu kultuva djuntu. E mutu inpurtanti sabe kuza ki nu ta po na nós kortu, i ke li e mutu inpurtanti pa mi. N ta agradise tudu argen! Ke li ta ba djudam alimenta nha fidju.



Jasmine Mays

Jasmine Mays kria na Boston i mutu sedu el da konta ma es relason di kre kunpanheru txeu ki kria na el, ka ta izisti na ninhun otu parti. Kantu la bira mai, gosin ku kuantu fidjus maravilhozus, el ta prokura involve, primeru komu mai na skola di se fidjus. Di la, el komesa un jardin ku ses fidjus i el faze pikenus prujetus lokais i grupus di prendizaji na Sidadi. Jasmine bira un Mestri ku sertifikadu Urbanu di Jardin através di “Trustees” (kuradoris). El pasa ta trabadja komu un ortikultura i kultivadora na se propi kintal, jardins di komunidadadi lokal i na Dudley Greenhouse. Na tudu pasu ki el ta tuma, Jasmine, gosin ta uza ses esperiênsias di vida i se lideransa, se amor pa agrikultura urbana i ligason ku natureza, se pasiênsia i speransa di reuni se fé islâmika, pa omenta oportunidadadi pa nós povu.



Allentza Michel

Allentza Michel nese na Boston, un urbanista lokal i artista ku mas di 16 anus di speriênsia na dizenvolvimentu komunitáriu i ikonômiku, na idukason, siguransa alimentar, saúdi pública i transporti. Se speriensia na organizason komunitária, regulamentus públikus, dizenvolvimentu di organizason sen lukru, piskiza di ason participativa i trabadju ku jovens ta prepara'l pa trabadju atual di dizenvolvimentu sivil komunitáriu. Allentza ten un stória kunpridu ku Food Project, ki ta komesa komu voluntáriu desdi liseu, na undi el partisipa na trenamentus i workshops, partisipa na lideransa komu parseru di organizason ki el trabadja pa el, i el foi kolaboradora komu inpregada, na pasadu.



Robin Saunders

Rezidenti di Dorchester pa 23 anu, ku maridu i dos fidjus adolisentis.

Ta trabadja pa se konta ta sisti se kabesa, ki ta anda pa tudu kabu i ta tuma konta di animais.

El ta gosta txeu di partilha kumida, riseitas i kultiva verdura i legumis na Greenhouse ku família i amigus.

Kuza ki el gosta di faze e kultiva na Greenhouse: aselga suísa (swiss chard)!